



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS

SESOTHO PUO YA LAPENG (HL)

PAMPIRI YA BORARO (P3)

2017

MATSHWAO: 100

NAKO: Dihora tse 2½

Pampiri ena e na le maqephe a 5.

DITAELO LE DIKELETSO HO MOHLAHLOBUWA

1. Pampiri ena e arotswe DIKAROLO TSE PEDI:

KAROLO YA A: Moqoqo (50)

KAROLO YA B: Ditema tsa Kgokahano tse 2 (2 x 25) (50)

ELA HLOKO: O lebelletswe ho araba dipotso TSE PEDI KAROLONG YA B.


2. Araba potso e le NNGWE KAROLONG YA A, dipotso TSE PEDI KAROLONG YA B.
3. Araba dipotso TSOHLE ka Sesotho.
4. Qala KAROLO E NNGWE le E NNGWE leqepheng LE LETJHA.
5. Etsa moralo wa tema e nngwe le e nngwe (ka ho etsa mmapa wa monahano/ daekramo/tjhate e bontshang tatelano ya mehopolo kapa lenane la dintlha tseo o tlang ho ngola ka tsona). Ha o qetile ho ngola tema ya hao, e bale hape ho hlaola diphoso. Meralo e hlahiswe QALONG ya tema ka nngwe.
6. Meralo yohle e totobatswe ka tshwanelo hore ke meralo.
7. O eletswa ho sebedisa nako ka mokgwa ona:
- KAROLO YA A: Metsotso e le 80
- KAROLO YA B: Metsotso e le 35 tema ka nngwe (2 x 35) (70)
8. Nomora dikarabo tsa hao jwalo ka ha dipotso di nomorilwe pampiring ya dipotso.
9. Sehlooho se se ke sa balellwa e le karolo ya palo ya mantswe.
10. Ngola ka mongolo o makgethe mme o balehang.

KAROLO YA A: MOQOQO**POTSO YA 1**

Kgetha sehlooho kapa setshwantsho SE LE SENG ebe o ngola moqoqo wa bolelele ba mantswe a 400 ho isa ho a 450 (dikahare feela). Ebang o kgetha setshwantsho ngola o itshetlehile ka mohopolo wa sehlooho oo setshwantsho se o qholotsang maikutlong a hao, mme o iqapele sehlooho sa hao. Se lebale ho etsa moralo.

- 1.1 Mohale o tswa maroleng. [50]
- 1.2 Lentswe ha se monwana, ha le kgutle. [50]
- 1.3 Ka tla ka ikenya tshotso dinaleng mohlang oo. [50]
- 1.4 Baithuti ba Kereiti ya 12 ba lokela ho hlophisetswa bodulo sekolong selemo sohle ho ba phemisa dintho tse ngata tse ba sitisang ho ithuta. Dumellana kapa o hanane le mohopolo ona. [50]
- 1.5 Motswalle a ka o thusa hape a ka o dihela. [50]
- 1.6 Diphoso tsa ka tsa maoba di ntlhalefisitse kajeno! [50]
- 1.7 Boha ditshwantsho tsena tse ka tlase. Kgetha SE LE SENG o nto ngola moqoqo o itshetlehileng mohopolong wa sehlooho o qholotswang ke setshwantsho seo maikutlong a hao. Iqapele sehlooho sa hao. Se lebale ho etsa moralo le ho hlaola diphoso moqoqong wa hao.

1.7.1



[Setshwantsho se qotsitse Makasineng wa *Sawubona*, Motsheanong 2016: 19]

[50]

1.7.2



[Setshwantsho se qotsitswe bukeng ya *Ukhanya*, 2012: 129]

[50]

MATSHWAO OHLE A KAROLO YA A:

50

KAROLO YA B: DITEMA TSA KGOKAHANO**POTSO YA 2**

Kgetha mme o ngole ditema TSE PEDI tsa bolelele ba mantswe a 180 ho isa ho a 200 (dikahare feela) temeng ka nngwe. Hopola ho etsa moralo temeng e nngwe le e nngwe, mme o be o boele o lekole tema ya hao botjha ho hlaola diphoso.

2.1 LENGOLO LA SETLWAEDI/SETSWALLE

Ngolla motswalle wa hao lengolo o mo thoholetse ka ketso ya boitelo le sebetse eo a ileng a e etsa ha a ne a pholosa bana ba moahisane ha ntlo ya bona e ne e batla e nkwa ke morwallo.

[25]**2.2 PUO**

O kgethilwe ho nehelana ka puo moo o tlang ho leboha ditho tsa lekgotla la kereke tse ileng tsa nehelana ka dieta ho baithuti ba hlohang ba sekolo sa heno. Ngola puo eo.

[25]**2.3 LENANETSAMAISO LE METSOTSO YA KOPANO**

Ngola lenanetsamaiso le metsotso ya kopano e neng e tshwaretswe sekolong sa heno moo le neng le hlophisetsa mokete wa Letsatsi la Batjha le tla tshwarwa ka la 16 Phuptjane.

[25]**2.4 LENGOLO LA SEMMUSO**

Ngolla Ramotse wa heno lengolo o lebohe lekgotla la motse ha le sa tswa phallela setjhaba nakong eo sefeto se neng le sentse matlo motseng wa heno.

[25]**2.5 RAPOROTO**

Ngolla sepolesa sa motse wa heno raporoto ka ketsahalo eo ho yona dikebekwa di ileng tsa hlasela lelapa leno mme tsa utswa thepa ya heno.

[25]**2.6 INTHAVIU**

Ngola inthaviu e pakeng tsa moqolotsi wa ditaba le moithuti ya ipabotseng ka ho hlahela maamong a pele puong ya Sesotho porofenseng ya habo.

[25]

MATSHWAO OHLE A KAROLO YA B:
MATSHWAO OHLE A PAMPIRI ENA:

50
100